

Richard Arends lansa como candidato riba lista di AVP

ORANJESTAD- Richard Arends lansa como candidato nobo riba lista di AVP. Sr. Arends tin e funcion actual como minister di asunto economico, pero nunca tabata un candidato riba lista di e partido AVP.

Esaki lo ta e prome biaha cu sr. Arends lo experiencia eleccion como candidato di e partido.

Richard Arends a studia y na edad hoben di solamente 24 aña a haya su doctoraal den Administracion Publico, specialisa den gobernacion

internacional na Universidad di Leiden. Ademas di esaki el a studia Ley y a obtene e titulo di Meester in de Rechten, specialisando su mes den Derecho Publico Internacional y Europeo. E estudio aki el a haci na Universidad di Amsterdam.

Na su regreso di Hulanda Richard a traha den sector publico como acesor legal y consultant. Tambe el a contribui cu varios publicacion pa 'Het Wetenschappelijk Instituut voor het CDA' y a fungi como presidente di Fundacion

Estudionan Social Cristian Aruba (FESCA), cu awe ta hiba e nomber 'Fundacion dr. Mito Croes pa Estudionan Social Cristian. Richard a publica varios estudio y analisis riba Economia di Aruba, Infraestructura, Energia y Desaroyo Urbano. Arends tabata Presidente di Hunta di Consejo di MOT, tambe Presidente di Hunta di Comisario di Compania Arubano di Petroleo (CAP) NV. El a lidera exitosamente e ekipo negociador di Aruba pa rehabilitacion di e refineria door di CITGO Petroleum Corporation.

